



## MAJLIS BANDARAYA SEBERANG PERAI

### **TEKS UCAPAN**

YBHG. DATO' Sr HAJI ROZALI BIN HAJI MOHAMUD  
**DATUK BANDAR**  
**MAJLIS BANDARAYA SEBERANG PERAI**

### **SEMPENA**

MAJLIS PERASMIAN PERAYAAN ULANG TAHUN  
KE-2 GROWTH COMMUNITY MARKET AUTO  
CITY, JURU

**TARIKH / MASA / TEMPAT**  
**10 NOVEMBER 2019 (AHAD)**  
**9.30 PAGI**

**AUTO CITY**  
**JURU**

**Terima kasih Saudara / Saudari Pengacara Majlis**

**Yang Dihormati Ahli-Ahli Majlis**

Majlis Bandaraya Seberang Perai

**Yang Berusaha Puan Ir. Hjh Rosnani Binti Hj Mahmud**

Setiausaha Bandaraya

Majlis Bandaraya Seberang Perai

**Ketua–Ketua Jabatan dan Pegawai-Pegawai Kanan**

Majlis Bandaraya Seberang Perai

**Yang Berusaha Cik Chee Hoy Yee**

Penganjur Growth Community Market Auto City, Juru

**Para Peniaga**

**Rakan-Rakan Media**

**Tuan-Tuan Dan Puan-Puan Yang Dihormati Sekalian**

Assalamualaikum Warahmatullahi Wabarakatuh,

Selamat pagi dan salam sejahtera,

Alhamdulillah, bersyukur ke hadrat Allah S.W.T. kerana dengan izin dan limpah kurnianya dapat kita bersama-sama pada hari ini di dalam Majlis Perasmian Perayaan Ulang Tahun Ke-2 Growth Community Market Auto City, Juru.

Terlebih dahulu, izinkan saya merakamkan penghargaan dan ucapan terima kasih kepada Yang Berusaha Cik Chee Hoy Yee, Penganjur Growth Community Market Auto City, Juru dan para hadirin sekalian yang sudi meluangkan masa menghadiri majlis pada pagi ini.

**Tuan-Tuan dan Puan-Puan yang dihormati sekalian,**

Majlis Perbandaran Seberang Perai (MPSP) telah dengan secara rasminya diisytiharkan sebagai Majlis Bandaraya Seberang Perai (MBSP) berkuatkuasa pada 16 September 2019. Dengan pengisytiharan ini, MBSP menjadi Pihak Berkuasa Tempatan (PBT) ke-15 daripada 150 PBT yang bertaraf bandaraya. Pulau Pinang adalah negeri pertama di Malaysia yang mana kedua-dua PBT di negeri itu bertaraf bandaraya dengan Majlis

Bandaraya Pulau Pinang (MBPP) di bahagian pulau manakala MBSP di seberang.

Hala tuju MBSP adalah jelas iaitu mensasarkan untuk mengurangkan 50% pelepasan karbon menjelang tahun 2022 iaitu pengurangan penghasilan karbon daripada **8.0 tan CO<sub>2</sub>e per kapita** kepada **4.0 tan CO<sub>2</sub>e per kapita**. Selain itu, sasaran menjadi *carbon neutral city* pada tahun 2030, iaitu 10 tahun dari Januari 2020 dan menjadi *zero carbon city* pada tahun 2050. MBSP juga komited untuk bersama bandaraya-bandaraya lain di dunia untuk menangani perubahan cuaca supaya dapat menghadkan pemanasan global ke *1.5 degree Celcius*.

MBSP telah menetapkan sasaran untuk menjadikan Seberang Perai sebuah Bandaraya Rendah Karbon (*Low Carbon City*) dan Bandaraya Pintar (*Smart City*) menjelang tahun 2022 dengan pelaksanaan berbagai program dan aktiviti di bawah Pelan Strategi Seberang Perai 2018 – 2022 bagi mencapai “*Seberang Perai Resilient, Inklusif, Hijau, kompetitif dan Bandar Pintar Dipacu Oleh Teknologi*”. Ini adalah selaras dengan yang termaktub dalam Penang2030 “*A Family-Focused Green and Smart States That Inspires The Nation*”.

MBSP adalah sebuah organisasi berorientasikan rakyat atau “*People Centric Organisation*” yang memperkasakan rakyat dengan menggalakkan masyarakat untuk membuat keputusan dalam program-program MBSP. MBSP mengukuhkan masyarakat sivil dengan mengadakan program yang menggalakkan perubahan tingkah laku, sikap dan gaya hidup dan seterusnya berusaha ke arah kehidupan yang mampan.

Dasar-dasar dan program-program yang dilaksanakan oleh Kerajaan Negeri Pulau Pinang dan MBSP adalah untuk menyemai rasa tanggungjawab serta meningkatkan kesedaran di kalangan masyarakat untuk melindungi bumi dan alam sekitar. Ianya juga mengajak orang awam untuk bersama-sama memainkan peranan masing-masing dalam mengamalkan gaya hidup hijau sebagai usaha dan sumbangan kepada generasi akan datang yang secara tidak langsung merealisasikan hasrat Kerajaan Negeri Pulau Pinang dan visi MBSP iaitu Seberang Perai Resilient, Inklusif, Hijau, Kompetitif dan Bandar Pintar Dipacu oleh Teknologi malahan dapat memberi impak khususnya kepada penduduk setempat.

Warga Seberang Perai hendaklah menjadikan kitar semula sebagai tunjang utama dalam penjagaan alam sekitar yang lebih lestari dan hijau. Saya amat mengalu-alukan kerjasama daripada semua komuniti di SPU, SPT dan SPS untuk memaksimumkan kitar semula, meminimalkan sisa

lebih, mengurangkan penggunaan dan memastikan setiap barangan yang dihasilkan boleh diguna semula, dibaiki, dikitar dan dikomposkan sesuai dengan amalan 8R MBSP [*Rethink, Refuse, Reduce, Reuse, Repair, Re-Gift, Recover and Recycle*] yang sentiasa saya war-warkan. Dengan adanya kerjasama daripada perlbagai pihak terutamanya pusat-pusat kitar semula di kawasan perkampungan dan taman perumahan, kilang-kilang, NGO, sekolah-sekolah di seluruh Seberang Perai dan juga komuniti-komuniti peniaga seperti di sini, telah membolehkan MBSP berjaya dengan satu pencapaian yang hebat di mana kadar kitar semula bagi keseluruhan Seberang Perai telah meningkat daripada 22% pada tahun 2008 kepada 47.15% pada tahun 2018 yang merupakan kadar kitar semula tertinggi di Malaysia

Saya mewakili MBSP amat berbesar hati sekiranya banyak lagi kawasan perkampungan mahupun taman-taman perumahan dan komuniti-komuniti peniaga dan industri di Seberang Perai mengambil inisiatif membantu MBSP dalam pelaksanaan amalan 8R. Pihak MBSP akan sentiasa bersama-sama tuan-tuan dan puan-puan dalam memberikan perkhidmatan yang sebaiknya. Kerjasama komuniti amat penting kerana ia dapat membantu MBSP dalam aspek menjaga kebersihan.

**Tuan-Tuan dan Puan-Puan yang dihormati sekalian,**

*Growth Market* di Auto City ini dimulakan oleh *Pop & Chee Healthy Home Farming* melalui usaha-usaha Cik Chee Hoy Yee dan Joeyin Chuah dari *Komichi Tea House*. *Growth Market* ditubuhkan bertujuan untuk membentuk kehidupan yang sihat melalui komuniti dengan pertanian tempatan yang bersifat organik dan *natural*.

Kerjasama antara *Growth Market* dan Autocity Juru ini juga menghimpunkan petani-petani tempatan dan komuniti yang menghasilkan *homemade products* bagi mengadakan jualan. *Growth Market* mensyaratkan produk yang hendak dipasarkan di sini mestilah sekurang-kurangnya 70% organik dan *natural*.

*Growth Market* ini merupakan platform kepada usahawan tempatan untuk memasarkan produk mereka. Selain itu konsep *Growth Market* yang mengumpulkan produk-produk tempatan di satu tempat adalah satu langkah dalam mengurangkan jejak karbon, dan ini sejajar dengan halatuju Majlis Bandaraya Seberang Perai untuk menjadi Bandaraya Rendah Karbon pada 2022 dan Bandaraya Bebas Karbon pada 2030.

Terdapat lebih kurang 40 buah gerai di *Growth Market* Autocity Juru ini. Kejayaan *Growth Market* ini juga adalah hasil kerjasama dan komitmen pelbagai pihak. Selain Autocity dan MBSP antara organisasi-organisasi lain yang terlibat dan aktiviti yang dijalankan adalah seperti berikut:

1. *Art Of Living*: Penajaan dari segi aktiviti yoga and *breathing session*;
2. *Ewolves class* : Penajaan kelas zumba dan *tabata fitness dance*;
3. Tze Chi Buddhist: Menjalankan pendidikan kitar semula.

Selain aktiviti jualan, yoga, zumba dan pendidikan kitar semula terdapat juga aktiviti seperti berikut:

1. *Chlidren Second Hand Zone* (dikendalikan oleh kanak-kanak);
2. *Organic Workshop* yang dikendalikan oleh *Growth Market* seperti *food composting*, pembuatan *enzyme* dan penanaman sayur-sayuran



Sempena program pada kali ini, kutipan minyak masak terpakai diadakan di gerai MBSP. Bagi yang menghantar minyak masak terpakai akan diberi sabun yang dibuat oleh MBSP.

*Growth Market* diwujudkan bagi membuka ruang kepada pengusaha tempatan untuk memasarkan produk mereka yang bersifat organik. *Growth market* ini diadakan setiap bulan pada hari Ahad kedua dari jam 8.00 pagi hingga 12.00 tengahari di Autocity. Majlis pada hari ini diadakan bagi menyambut kejayaan *Growth Market* yang telah memasuki usia dua tahun.

**Tuan-Tuan dan Puan-Puan yang dihormati sekalian,**

Dengan penglibatan dan sokongan padu komuniti di Auto City ini dalam menjalankan kegiatan-kegiatan 8R, pengkomposan, kebun kejiranan, pengumpulan barangan buangan dan juga penghasilan barangan *upcycle* menunjukkan kesungguhan tuan-tuan dan puan-puan dalam mewujudkan komuniti sisa sifar. Sekali lagi SYABAS dan TAHNIAH!

Adalah amat diharapkan kejayaan *Growth Market* ini menjadi contoh kepada komuniti-komuniti lain untuk mewujudkan komuniti sifar dalam

langkah menjaga alam sekitar dan bersama berusaha untuk menjadikan Seberang Perai sebagai Bandaraya Rendah Karbon 2022 dan Bandaraya Bebas Karbon menjelang 2030.

Saya bagi pihak MBSP mengucapkan ribuan terima kasih kepada komuniti Auto City yang menyokong semua usaha yang telah dibuat oleh MBSP. Terima kasih dan syabas kepada Cik Chee Hoy Yee dan Joeyin Chuah di atas penubuhan Growth Market ini dan berharap agar terus menyokong inisiatif-inisiatif yang direncanakan oleh MBSP ke arah pembentukan Bandaraya Rendah Karbon dan Bandaraya Pintar menjelang tahun 2022. Saya berharap usaha kelestarian hijau *Growth Market* ini dapat menjadi contoh kepada komuniti-komuniti lain di Seberang Perai.

Ingin saya nyatakan di sini bahawa Seberang Perai telah mencapai satu kemuncak dalam penitiran evolusi bandar. Seberang Perai telah mencapai taraf bandaraya dari usaha gigih warga kerja MBSP, pimpinan yang berwawasan dan rakyat yang bermuafakat. Saya mengharapkan agar anugerah ini dapat dipertahankan bagi memberikan perkhidmatan yang terbaik untuk rakyat. Saya menyeru kepada para hadirin sekalian dan warga Seberang Perai untuk terus membantu MBSP dalam menjadikan Seberang Perai lebih bersih dan cantik serta mempunyai penduduk yang sihat seajar

dengan *tagline* MPSP iaitu “**Seberang Perai Aspirasi Bandar Masa Hadapan**” atau “**Seberang Perai Aspiring City of Tomorrow**”.

Dengan lafaz “Bismillahirrahmanirrahim saya dengan ini merasmikan *Perayaan Ulang Tahun Ke-2 Growth Community Market Auto City, Juru*”.

Dengan ini, saya sudahi dengan **Wabillahi Taufik Wal Hidayah, Wassalamualaikum Warahmatullahi Wabarakatuh**.

**Sekian, terima kasih.**